

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Kalaallit Nunatsinni Jameson landimi uuliasiortoqarnissanut suliaq sumut killinneranik Naalakkersuisut qanoq ilisimatitsissuteqarsinnaappat?
2. Uulisiorneq qaqugu aallartinnissaa pilersaarutaava?
3. Jameson landimi uuliasiortoqalissappat Ittoqqortoormiuni nunaqavissut sulisuusinnaanissaminnut periarfissaat suuppat?
4. Nunaqavissunut sulerusuttunut pikkorissaanerit ingerlanneqarniarpat?
5. Uuliasiortoqalissappat Ittoqqortoormiuni mittarfittaassaq iluaqutigilluarneqassava?
 - a. Iluaqutigilluarneqassappat sutigut?
6. Aamma mittarfittaassaq uuliasiorfimmi atugassanik nerisassanillu niuernerillu eqqarsaatigalugit tassuuna iluaqutaassappat mittarfik qanoq takitigisoq pisariaqartinneqassamaarpa?

(Inatsisartunut ilaasortaq Mette Arge-Hammeken, Naleraq)

Tunngavilersuutit:

Jameson landimi Ittoqqortoormiut eqqaaniittumi uuliasiortoqalissappat innuttaasunut suliffissat periarfissat suunersut paaserusunnartuupput. Ilanngullugu paaserusunnarpoq Ittoqqortoormiuni mittarfittaassaq atorluarneqassappat sutigut iluaqutaasinnaanersoq.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.